

薛立齋醫案全集

辛酉孟夏中澣
後齋署



吐血

經曰清者為榮濁者為衛榮行脉中衛行脉外蓋榮者水穀之精氣也和調於五臟運轉於六腑故能入於脉夫榮者陰血也所主在心統化在脾藏內在肝宣布在肺輸泄在腎灌漑一身滋養百脉諸經由此而生疏焉然血之所統者氣也故曰氣主呵之血主濡之是以氣行則血行氣止則血止陽生陰長夫唱婦隨之道也若氣一傷則變症百出故妄行則吐血衄衰涸則虛勞降下則便紅熱陷則溺赤滲於腸胃則為腸風腸陽虛陰搏則為崩漏此背氣有殄戾之乖而血乃生凌溢之患也然養陰者可不先知養陽之道乎小兒患之多因稟賦積熱或食膏粱厚味或乳母七情鬱火所致治法若氣虛血弱當以人參補之陽旺則陰生血也若四物湯者獨能主血分受傷為氣不虛也若左寸關脉數而無力血虛也四物湯加參朮浮而無力氣虛也補中益氣湯尺脉數或無力腎虛也六味地黄丸右寸關脉數而有力者肺胃熱也犀角地黄湯後用四物湯加參朮白朮尺脉數而無力陰虛也用六味地黄丸若面黃目澀眇多手麻者脾肺虛也用黃芪芍藥湯

治驗

一小兒年十餘歲鼻衄肝脉弦數肝藏血此肝火血熱而妄行用小柴胡加山梔龍膽草四劑而血止又用四物芩連蘆薈山梔甘草作丸服又以地黃丸滋腎水生肝血而愈

一小兒久鼻衄右顳鼻準微赤此脾胃傳熱於肺而不能統也先用六君桔梗當歸山梔而血止次用人參黃芪故以調補脾肺而愈

一小兒壯熱吐血或兼衄血右顳鼻準赤色乃肺胃積熱用濟生犀角地黄四劑而血並止後因母飲酒復作用青胃散母子服之而愈

一小兒吐血不止鼻準赤色審其乳母有鬱熱南加味歸脾湯加味逍遙散母子並服各數劑血少止又用八珍湯加柴胡牡丹皮而愈

一小兒因母屢患怒發熱吐血或時衄用加味小柴胡湯之類治其母並愈後其母因勞役乘怒氣致兒患驚搐或用抱龍丸又加吐血予以加味逍遙散母子並愈厥後乳母仍勞役發熱此兒即驚搐或吐血或衄血母用補中益氣湯子用犀角地黃湯頓愈

一小兒十歲因傷厚味吐血用濟生犀角地黃湯解食毒清胃熱又用四君牡丹皮升麻調補脾胃而愈惟肢體倦怠兩手作麻用黃芪芍藥湯數劑而安

一小兒吐血因乳母火鬱發熱兩脇作痛後吐血以加味歸脾湯加吳茱萸製黃連治母兒不時飲數匙月餘並愈後母因怒吐血寒熱兒亦吐血先用加味小柴胡湯二劑後用加味逍遙散治其母者愈一女子年十四歲因驚寒熱發搐服鎮驚之藥更吐血尋衣撮空身如炙煩燥不眠飲食不入脉洪大而無倫次按之豁然而空用加減八味丸料二劑諸症悉退脉息按之如絲無氣以動用人參一兩煎服不應仍用人參一兩附子五分二劑元氣頓復

一女子十三歲因怒吐血咬牙發搐用加味逍遙散加鉤藤鉤而愈次年出嫁懷抱鬱結胸滿食少吐血面赤此因肝火動而血熱氣虛而不能攝血也用六味丸及歸脾湯加山梔貝母而愈

一小兒十四歲發熱吐血屬足三陰虛余謂且補中益氣以滋化源不信仍用寒涼降火前症愈甚或謂曰小兒未有室何腎虛之有參芪補氣藥為用之余述丹溪亦生云腎主閉藏肝主疏泄二臟俱有相火而其系上屬於心心為君火為物所感則相火翕然而起雖不交會而其精亦暗耗矣又諸氏云男子精未滿而御女以通其精則五臟有不滿之處異日有難狀之疾正此謂也遂用補中益氣湯及六味地黃丸而痊

黃芪

甘草

升麻

葛根

芍藥炒黃各羌活

右每三錢水煎服

愚按此手足太陰陽明藥也然血虛久則陽亦虛矣故血不足則麻木陰虛火動變症百出實非風也此出升陽滋陰例

人參黃芪散治虛勞客熱消瘦倦怠口燥咽乾日晡潮熱五心煩熱盜汗胸滿食少作渴咳唾時有膿血

天門冬法雨半夏

知母炒

桑白皮

赤芍藥炒

黃芪炒

紫苑

甘草炙略

白苓丸

柴胡

秦艽

生地黄

熟地黄

地骨皮略二

人參

桔梗略一

鼈甲

右劉散每服三五錢水煎服大人亦得一方有生薑

四物湯

方見

加味小柴胡湯

小柴胡湯方見

清胃散

加味歸脾湯

加味道遙散

四君子湯

六君子湯方五

濟生犀角地黃湯方見

補中益氣湯

方見

八珍湯即四君四物

六味丸方見

虛羸

仲陽云小兒虛羸因脾胃不和不能乳食使肌體瘦弱或大病後脾氣尚弱不能傳化穀氣所致若冷者時時下利唇口清白熱者身溫壯熱肌體微黃黃當審其形色察其見証如面赤多嗜心之虛羸也面青目斜肝之虛羸也耳前後或耳下結核肝經虛火也頸間肉裏結核食積虛熱也面黃痞滿脾之虛羸也面白氣喘肺之虛羸也目睛多白腎之虛羸也仍審相勝而藥之又寒熱二症不可不辨若腹痛瀉利清白不渴喜熱此屬熱症雖在冬月宜木香丸身熱煩躁瀉利焦黃作渴喜冷此屬熱症雖在冬月宜胡黃連丸皆捨時從症之治法也

治驗

一小兒十三歲面赤驚悸發熱形體羸瘦不時面白噁氣下氣時常停食服保和丸及清熱等藥余曰

面亦驚悸心神怯也面白噯氣心火虛也大便下氣脾氣虛也此皆稟心火虛不能生脾土之危症前藥在所當禁者不信又服枳朮丸鎮驚等藥而諸症益甚大便頻數小腹重墜脫肛痰涎飲食日少余先用六君子湯為主佐以補心丸月餘飲食少進痰涎少止又用補中益氣湯送四神而愈寧姻後病復作墜時至仲冬面白或鰲色手足冷喜食胡椒薑物腹中不熱脉浮按之微細兩尺微甚乃用八味丸元氣復而形氣漸斂年至二十苦畏風寒面目赤色發熱吐痰唇古赤裂食椒薑之物唇口即破痰熱愈甚腹中怯不熱診其脉或如無或欲絕此寒氣逼陽於外內真寒而外假熱也仍用八味丸而諸症頓愈

一小兒八歲面常青色或時色赤日間目劄夜睡咬牙二年餘矣服清肝降火之藥益甚形氣日羸余考績到京求治於余曰肝主五色入心則赤自入則青蓋肝屬木而生風故肝氣為陽為火肝血為陰為水此稟肝腎精血不足虛火內動陰血益虛虛而生風風自火出故變面赤目劄等症耳非外風也遂用地黃丸以滋腎水生肝木兩月目劄咬牙悉止又三月許諸症尋愈而元氣亦充矣凡肝木之症若肝木實熱生風而自病或肺金實熱而尅木者宜用清肝降火之劑以瀉其邪氣若肝經風熱而目直等症用柴胡梔子散以清肝火加味四物湯以養肝血若腎虛而咬牙諸症用六君子湯以健脾土六味地黃丸以滋腎水則愈

一小兒脾氣虛弱飲食停滯發熱作渴服瀉黃散不時下痢余先用保和丸二服而愈但不食惡心面青手冷又用六君柴胡升麻四劑面色痿黃食進手溫惟形體羸甚倦怠發熱小腹重墜肛門脫出用補中益氣湯加半夏肉豆蔻二劑而安凡脾胃之症若發熱作渴飲食喜冷或泄瀉色黃睡不露睛者屬形病俱實宜用瀉黃散疏導之若發熱口乾惡冷或泄瀉色白睡而露睛者屬形病俱虛宜用異功散調補之若脾氣下陷者補中益氣湯寒水侮土者益黃散肝木尅脾者六君加柴胡若目睛微動潮熱抽搐吐瀉不食宜用白朮保脾湯凡小兒諸病先當調補脾胃是根本又因利者病自愈

盡祛也

一小兒五歲形氣虛羸睡中咬牙夜間遺尿日間頻數余以為稟腎氣不足用補中益氣湯加補骨脂地黃丸加鹿茸以補脾腎而痊畢姻後小便頻數作渴發熱日哺益甚恪服黃柏知母等藥以滋陰降火後患腎痿臥床年許余因考績北上仍用前藥喜其慎疾半載而痊

一小兒年十一歲面曰或赤足軟不能久行用地黃丸加鹿茸年許而痊畢姻後兩目羞明兩足仍軟用前丸及補中益氣湯而痊後病復發增口渴足熱頭顙覺開視物覺大此腎虛瞳人散大而然也服前藥遠房事則愈因不自保終患腎痿而殁仲陽先生云此症屬腦髓不足不能榮養宜用地黃丸補之有至七八歲或十四五歲氣血既盛而自合若縱盜色慾戕賊直陰亦不盡其壽矣

一小兒體素虛弱患咳嗽痰涎服化痰藥而痰益甚余以為脾虛食積大用六君子湯山查漸愈後傷風咳嗽腹脹不食泄瀉酸臭此食滯傷脾而肺氣虛也用六君子桔梗而愈又飲食停滯嘔吐痰涎喘嗽面白余謂脾虛不能消化飲食而為痰肺虛不能攝氣歸源而作喘仍用六君子湯而愈大凡痰理不密外邪所感而肺病者因脾胃氣虛不能相生必用六君子湯若脾胃氣實大腸不利而肺病者用瀉黃散若心火炎燠肺金而喘嗽者用地黃丸

一小兒形瘦不時咳嗽自用參蘇散一劑更加喘急驚搐面白或黃余謂此稟脾肺不足而形氣虛羸因前劑峻利外邪雖去而肺氣益虛肺虛則真補脾先用異功散加桔梗鉤藤鉤一劑痰喘頓定乃去桔梗加半夏當歸再劑驚搐亦去又加酸棗仁治之而安年十五歲發熱痰盛作渴面赤形體羸瘦用地黃丸加五味子及補中益氣湯各百餘劑而形氣漸壯若認為陰火用黃柏知母等藥復傷生化之源其亦不治者矣

一小兒五歲尚飲乳耳前後頸間至缺盆以手推尋其筋結小核如貫珠隱於肌肉之間小便不調面色青黃形氣羸瘦此稟母之肝火為患用九味蘆薈丸五味異功散加山梔柴胡與兒飲之又加味

逍遙散與母服之尋愈

一小兒患虛羸且出穢水左手尺關洪數而無力余為清肝補腎耳中雖愈脉未全斂畢姻後患瘰癧誤服黃柏知母之類復傷元氣不勝寒暑勞役無日不病幾至危殆余大補脾腎滋養元氣而愈

一小兒患症如前肢體消瘦面色痿黃大便秘臭此脾虛食積用四味肥兒丸五味異功散治之而愈

一小兒體瘦腹大寒熱嗜卧作渴引飲以白朮散為主佐以四味肥兒丸諸症漸愈乃以異功散六味丸月餘而安

一小兒患前症身熱如炙此肝疳之症也朝用異功散夕用四味肥兒丸諸症稍愈佐以蚶蜊丸數服而痊

一小兒停食發熱服苓連三稜等劑飲食日少胸腹膨脹體羸瘦余謂脾虛飲食停滯元氣復傷先用用補中益氣湯加木香釣藤鈎數劑漸愈又用六君炮薑調理而安

一小兒虛羸昏倦咳嗽驚悸自用參蘇散一劑更加喘急此脾肺氣虛而妄發表也用惺惺散微解外邪調和胃氣諸症頓愈但手足逆冷又用六君子湯調補元氣而安

一小兒九歲吞酸惡食肌體消瘦腹中數痛余謂食積虛羸也用保和丸而愈後腹中數痛皆服保和丸余曰此因脾胃虛而飲食所傷也當調補脾土以杜後患不信後腹痛喜按余用五味異功散二劑

因未應自用平胃散等藥腹脹作痛余仍以異功散加木香四劑而愈若屢用攻伐之劑陰損元氣多致虛羸深可慎也

參苓白朮散治脾胃虛弱飲食少思中滿痞噎心忪氣喘嘔吐泄瀉

白扁豆

二兩半
鹽汁人參

白茯苓

白朮

甘草炒

山藥

蓮肉

桔梗炒黃

薏苡仁

宿砂仁略二

右為末每服一錢棗湯調下

地黃丸加肉桂一兩名治小兒肝經虛熱血燥或風客淫氣而患瘰癧結核或四肢發搐眠目抽動痰涎

湧又治腎痛腦熱瘦手足如冷寒熱往來滑瀉腹脹口鼻乾渴齒齦潰爛爪黑面黃遍身兩耳生瘡或兩耳出水或發熱自汗盜汗便血諸血失瘡等症其功不可盡述柳一林地黃丸

補中益氣湯治中氣虛弱體疲食少或發熱煩渴等症

人參 黃芪 熟地 白朮 甘草 陳皮 升麻 柴胡

當歸 右薑棗水煎空心午前後服

愚按前方若因藥剋伐元氣虛損惡寒發熱肢體倦怠飲食少思或兼飲食勞倦頭痛身熱煩躁作渴脈洪大弦虛或微細軟弱或寸關獨甚者宜用之凡久病或過服剋伐之劑虧損元氣而虛症悉具者最宜前湯若母有脾胃不足之症或陰虛內熱致兒為患者尤宜用之

錢氏異功散治脾胃飲食少思吐瀉不食凡虛冷症先與數服以正胃氣功加五味異

愚按前方治脾胃虛弱吐瀉不食或驚搖瘈瘲或睡而露睛手足指冷或脾肺虛弱咳嗽吐痰或虛熱上攻口舌生瘡弄舌流涎若母脾胃虛寒患此症亦當服之

四君子湯治脾氣虛損吐瀉少食肌肉羸瘦枳實

保和丸治飲食停滯胸膈痞滿噯氣吞酸或吐瀉腹痛加白朮一兩

神麴 炒 山查 半夏 茯苓 陳皮 連翹 蘿蔔子 炒 五 右為

末粥九桐子大每服三十九丸白湯送下

愚按前方行氣滯之劑若元氣無虧暴停乳食而致斯症者宜用此消導之若元氣虛弱而乳食所傷者必調補胃氣為主而佐以消導若乳食已消而作嘔者乃胃氣被傷當用異功散補之不宜仍用前藥重損胃氣治者審之

肥兒丸治肝肺食積肢體消瘦二便不調

黃連 神麴 木香 砂仁 檳榔 肉豆蔻 煨 史君子 炒 麥芽 炒 四 右為末

神麴糊丸麻子大每服二三十丸米飲下

愚按前方若食積五疳發熱口乾大便不調小便不清或頸項結核髮稀成穗寒熱作渴宜用之若脾胃稍虛者用五味異功散兼服虛甚者異功散為主佐以前藥

枳朮丸

方觀

六君子湯

方觀

四神丸

方觀

八味丸

方觀

柴胡梔子散

四物湯

方觀

九味蘆薈丸

方見

加味逍遙散

方觀

白朮散

方觀

蚶蜆丸

方見

胃氣虛寒

經曰胃為水穀之海六腑之大源也人身氣血腑臟俱由胃氣而生故東垣之法一以脾胃為主所謂補腎不若補脾正此意也在小兒雖得乳食水穀之氣未全尤仗胃氣胃氣一虛則四臟俱失所養矣故丹溪謂小兒多肝脾之疾也若面色恍白目無睛光口中氣冷不食吐水肌瘦腹痛此胃氣虛寒之症用五味異功散或六君子湯主之若大便不實兼脾虛也加乾姜溫之中滿不利脾不運也加木香開之蓋胃便秘胃實熱也用瀉黃散涼之命門火衰不能生土者用八味丸補之稟賦胃氣不足亦用此丸蓋下焦真陽充盛則上生脾元自能溫蒸水穀矣

治驗

一小兒傷食吐瀉不已後便泄青色睡而露睛手足指冷額黑唇青余謂大便秘青色木勝土也或時瀉泄脾氣不足也額黑唇青寒水侮土也米瀉屬中氣虛寒用五味異功散加升麻柴胡木香附子二劑而愈一小兒盛暑嘔吐飧泄服黃連有需飲益甚用白虎石膏湯而腹脹作痛手足並冷余謂脾氣虛寒且夏月伏陰在內也用五味異功散加木香而愈

一小兒手足常冷腹中作痛飲食難化余謂胃氣虛寒也先用益黃散二服痛止次用六君子湯數劑即愈

一小兒九歲素畏風寒飲食少思至秋冬口鼻吸氣陰冷至腹手足如水飲薑湯及燒酒方快其脉細微兩尺如無余謂此稟命門火衰也用還少丹不應改用八味丸旬餘諸症即愈

平胃散治脾胃不和不思飲食心腹脹痛口苦短氣惡心噯氣吞酸面黃體瘦嗜臥體痛霍亂吐瀉等症厚朴薑汁製陳皮 甘草炙略 蒼朮洗切 右為末每服二錢薑棗水煎沸湯點服亦得

常服調氣煖胃化宿食消痰飲辟四時不正之氣愚按前症若乳食停滯噯腐吞酸噯惡心者宜服是方若飲食既消脾胃虛弱嘔吐惡心者則宜四君子湯

調中丸治脾胃虛寒

白朮 人參 甘草炒略

八味地黃丸即六味地黃丸加肉桂附子各一兩治稟賦命門火衰不能生土以致脾土虛寒或飲食少思及食而不化腹中疼痛夜多漩溺等症內經謂益火之源以消陰翳正此藥也

錢氏益黃散脾弱補治脾胃虛冷吐瀉方觀

愚按前方若脾土虛寒或寒水侮土而嘔吐泄瀉手足並冷或痰涎上湧睡而露睛不思乳食者宜用此方若脾土虛弱吐瀉者用六君子柴胡如不應或手足俱冷者屬虛寒加木香炮薑若因乳母脾虛肝侮亦治以前藥若乳母鬱怒致兒患前症者其母兼服加味道遙湯

瀉黃散方觀 觀音散方觀

歸脾湯 異功散

銀白散方觀 六君子湯方觀

食積寒熱

小兒食積者因脾胃虛寒乳食不化久而成積其症至夜發熱天明復涼腹痛膨脹嘔吐吞酸足冷肚熱喜睡神昏大便酸臭是也有前症而兼寒熱者名曰食積寒熱若食在胃之上口者吐之胃之下口者消之腹痛痞脹按之益痛者下之下後仍痛按之則止者補之夾食傷寒者先散之用參蘇飲熱甚便秘者先利之用大柴胡湯如無外感但只傷食不至於甚保和丸調之蓋脾為至陰之藏也故凡脾病者至夜必熱熱而兼寒則又見所勝者侮所不勝矣食未消者消之則寒熱自止食既消者補之則寒熱自痊若手足並冷喜熱飲食此中州虛寒也宜溫之大便欲去不去脾氣下陷也宜升之若夜間或侵晨泄瀉者脾胃俱虛也用四神丸手足並熱作渴飲水者脾胃實熱也用瀉黃散大便秘結用大柴胡湯手足雖熱口不作渴大便不實者用白朮散仍參腹痛腹脹積痛積滯治之

治驗

一小兒傷食腹脹胸滿有痰余用異功散而痊後復傷食腹脹作痛或用藥下之痛雖止而脹益甚更加喘粗此脾氣傷而及於肺也用六君桔梗調補而痊

一小兒腹脹惡食寒熱惡心症類外感余曰氣口脈大於人迎此飲食停滯也用保和丸一服諸症頓退但腹脹未已用異功散而痊

一小兒傷風咳嗽痰湧用六君桔梗桑皮杏仁而愈後飲食停滯腹瀉脹痛又用六君加山查厚朴而安復停食作嘔或用藥下之更加咳嗽余謂此脾肺益虛欲行調補彼以為緩乃服發表趕滯之藥前症益甚更加搖頭余用天麻散倍加釣藤鈎及異功散而愈

一小兒胸腹脹痛寒熱頻悶以手按腹即哭此飲食停滯也先用保和丸一服前症即愈更加煩渴按其腹不哭此宿食去而脾氣未復也用五味異功散加柴胡治之而瘳

一小兒飲食停滯服消導之劑飲食既消熱尚未退此胃經虛熱也用六君子加升麻柴胡四劑而愈

一、小兒先因飲食停滯，腹起之藥，更加腹痛，按之則止。余用六君子湯而愈。後復傷食，服保和丸及三稜檳榔之類，更加腹重，善噫，此脾氣虛而下陷也。仍用前湯，加升麻、柴胡、木香而愈。

一、小兒面色青白，飲食難化，大便頻泄，或用消積化痰等藥，久不愈。余謂脾胃虛弱也。用六君子湯漸愈。或以為食積，宜驅逐之。遂反作瀉，痰喘發搐，余謂脾氣復傷，不能生肺，肺虛不能平肝，而作是症。先用六君子加釣藤鉤，飲食少進。又用五味異功散，加升麻而愈。

一、小兒患前症，腹痛，服攻下之劑，發熱不已。大便不化，按其腹不痛，與冷水不飲。此食積去而脾氣虛也。用五味異功散，加當歸、升麻而愈。

三、黃枳朮丸治傷肉濕熱，辛辣味厚之物，致填塞悶亂不快。

枳實錢炒 黃連酒浸 大黃濕炒 白朮略一 黃芩銹 右為末，湯浸餅為丸，如黑豆大，每

服五十丸，白湯下。臨時量所傷多少，加減服之。

大柴胡湯方見 四神丸方見 六君子湯

五味異功散方見 瀉黃散方見 白朮散方見

保和丸方見 加減腎氣丸方見 天麻散方見

腫脹

經曰：至陰者，腎水也。少陰者，冬脉也。其本在腎，其末在肺，皆積水也。又曰：腎者，胃之關也。關門不利，故聚水而從其類也。上下溢於皮膚，故附腫腹大。上為喘呼，不得卧者，標本俱病也。丹谿云：惟腎虛不能行水，脾虛不能制水，胃與脾合，又胃為水穀之海，因虛而不能傳化，腎水泛濫，反得以浸漬脾土。於是三焦停滯，經絡壅塞，水滲於皮膚，注於肌肉而發腫也。其狀目胞上下微起，肢體重着，喘咳怔忡，股間清冷，小便澀黃，皮薄而光，手按成窟，舉手即滿是也。古方有十種論症，以短氣不得卧為心水，兩脇脹痛為肝水大，便驚漉為肺水，四肢苦重為脾水，腰痛足冷為腎水，口苦咽乾為胆水，下虛上實為大腸水，腹急肢瘦為

膀胱水小便關泄為胃水小腹急滿為小腸水又有濕氣毒氣傷寒後瀉痢後氣血虛者之五腫及疳氣癰積鎖肚胸膈作膨咽氣虛冷積者之七脹亦當詳之其受濕氣者由脾胃之氣敦阜四肢頭面皆腫也食毒者脾傷積毒停留於胃也傷寒下早者邪氣乘虛而入也瀉痢後者脾氣虛也皆宜先調胃氣次可治腫其患七脹皆中血氣不足臟腑怯弱表裡俱虛邪正相亂以致四肢浮腫腹肚膨滿亦當先調榮衛分別陰陽治法其補中行氣利小便凡有熱者水氣在表也可汗之身無熱者水氣在裏也宜下之腰已上腫宜利小便腰已下腫宜發汗此仲景之法也若遍身腫煩渴小便赤澀大便秘結此屬陽水遍身腫不渴大便溏泄小便清利此屬陰水陽水兼陽症者脉必浮數陰水兼陰證者脉必沉遲氣若陷下宜用二陳加升提之藥如腹脹少加木香調之若朝寬暮急屬陰虛朝用四物湯加參朮夕用加減腎氣丸朝急暮寬屬陽虛朝用六君子湯夕用加減腎氣丸朝暮皆急陰陽俱虛也用八珍湯主之真陽虛者朝用八味地黃丸夕用補中益氣湯若肚腹痞滿肢體腫脹手足並冷飲食難化或大便泄瀉呼吸氣冷者此真陽衰敗脾肺腎虛寒不能司攝而水泛行也急用加減腎氣丸否則不治惟調補脾土多有生者

治驗

一小兒傷食膨脹服疳疔之劑小便澀滯改服五苓散小便益開四肢頓腫余謂脾胃虛寒不能通調水道下輸膀胱故也朝用加減金匱腎氣丸夕用補中益氣而愈

一小兒患前症小便頻赤盜汗發熱朝間用補中益氣湯午間用五味異功散晚間用六味地黃丸而愈後作功課太勞盜汗發熱用八珍湯六味丸而痊

一小兒患前症飲食少思大便不實先用補中益氣湯又用五味異功散而愈畢姻後復發更手足並冷飲食難化或吞酸噯腐用六君子炮薑而痊後又發用八味地黃丸補中益氣湯而痊

一小兒小腹脹墜小便澀滯午前為甚以補中益氣湯加木香與朝服以五味異功散加升麻柴胡與

腹冷便清頻大便不實手足並冷用補中益氣湯八味地黃丸而尋愈

五苓散方觀

八珍湯御針全大補湯去黃

六君子湯方觀

加減腎氣丸方觀

八味地黃丸方觀

補中益氣湯方觀

就蟲

巢氏云。蛇蟲者。九蟲之一也。長尺許。或五六寸者。因臟腑虛弱。及食甘肥而動。其動則腹中攻痛。或作或輟。口吐涎水。貫心則死。用使君子丸之類下之。錢仲陽云。吐水不心痛者。胃冷也。吐沫心痛者。蟲痛也。與癰相似。但目不斜。手不搖耳。安蟲散主之。田氏云。蟲痛者。啼哭。俛仰坐卧不安。自按心腹時。時大呼面色青黃。唇色兼白。目無睛光。口吐涎沫也。若因胃冷。即吐。用理中湯。加炒川椒五粒。檳榔五分。煎下。烏梅丸。古云。蟲蝕上部。則上唇有白點。蟲蝕下部。則下唇有白點。腹中諸蟲。望其頭向上。望後其蟲向下。如欲用藥。先以豬肝油炙香。令兒聞其香味。使蟲頭向上。則藥易伏。若中氣虛而蟲不安者。但調補脾胃。自安。丹溪先生云。父月吐蟲多。是胃氣虛寒。用錢氏白朮散加丁香二粒主之。

治驗

一小兒患蟲動心痛。先服大蕪荑湯。下痰穢。反作嘔。少食。右顯鼻準。白中兼黃。此脾胃氣虛也。用異功散二服。稍應。更加炮薑一劑而安。

一小兒吐瀉將愈。心痛吐水。手足並冷。忽自手按心腹。此胃氣虛寒。類乎蟲痛也。用益黃散而愈。

一小兒病後吐水。心間作痛。余謂胃氣虛寒。用五味異功散而愈。後母吐。凡患病。飲食不進。手足並冷。即吐水。心痛。余用前散。加升麻柴胡。即愈。或用逐蟲之劑。前症益甚。更加腹痛重墜。余用補中益氣湯。

加炮薑治之而愈。

史君子丸治五疳。脾胃不和。心腹膨脹。時復作痛。不食漸瘦。並宜服之。

史君子肉兩厚朴製

橘紅

白芍藥

甘草炒

川芎銹一

右為末蜜丸如皂角

子大每服一九陳米飲化下

安蟲散治蟲痛

胡粉炒

鶴風炒

川棟子

檳榔銹二

白礬銹二

右為末每服三五分米飲調下

烏梅九治蛇厥當吐蛇今反靜而復煩此為臟寒蛇上入其臍故須更復止得食而嘔又煩蛇聞臭當自

吐及治久痢方見傷風咳嗽

理中湯治瀉

大蕪荑湯治痢

異功散治痢

白朮散治痢

益黃散治痢

疝氣

小兒陰腫疝氣者多屬肝腎乳疝屢坐臥寒濕之地或風邪所傷血氣相搏或啼叫氣逆水道不行或粟父經肝虛熱或妊娠肝氣鬱結或乳母怒動肝火而致者若兒肝經熱用梔子清肝散兒啼躁怒用均氣散乳母恚怒用柴胡清肝散肝火氣逆用加味逍遙散小腹作痛小便澀滯用龍膽瀉肝湯久坐冷地小便不利用四苓散加柴胡山梔車前子不時寒熱者加味小柴胡湯經云肝氣熱則莖痿不伸筋弛縱腎莖腫脹或出白液痒痛或裏急筋縮挺縱不收或精隨便下者此名筋疝俱屬肝火不係於腎且詳治之

治驗

一小兒陰囊赤腫余作胎毒治瘰後發熱癰盛等症診其母素有鬱熱用加味歸脾逍遙二藥子母俱

服而愈後吐瀉小便赤澀兩目瞤動視其寅卯二關脉赤此肝經風熱也用柴胡清肝散加釣藤鈎木

賊草而愈

一小兒陰囊作痒小便頻數此屬肝火之症反服五苓散頸間結核余用柴胡梔子散四味肥兒丸諸

一 小兒羸瘦腹中作痛時出白津余勝之肝火也用龍胆瀉肝湯六味地黃丸而愈

一 小兒羸瘦九腫鞭小便黃澀用小柴胡湯加車前子山梔并蘆薈丸而消

一 小兒羸瘦中作痒一 小兒下疳潰爛作痛發熱一 小兒羸瘦中潰痛小便秘澀日晡尤盛一 小兒目痒出水連劇項間結核陰囊搔痒俱屬肝火之症俱用九味蘆薈丸而愈

一 小兒小便澀滯陰囊腫痛寒熱此肝經濕熱也用龍胆瀉肝湯而消但內熱倦怠此兼脾氣虛也用

四君柴胡山梔芍歸而愈

一 小兒陰囊赤腫因乳母怒氣及飲酒而發余審之因於怒則用加味道遙散因於酒則用加味清胃

散並加漏蘆乾葛神麴與母子服之隨愈

一 小兒陰囊腫痛小便赤澀用加味小柴胡湯加漏蘆母子並服而愈

一 小兒稟肝腎虛弱羸瘦九常腫用六味地黃丸料加柴胡母子並服兩月餘而痊

劉武庫子羸瘦九作痛小便赤澀寒熱作嘔用小柴胡湯加山梔車前子茯苓而愈

一 小兒腹內一塊攻痛小便不調用龍胆瀉肝湯蘆薈丸而愈後形氣消燥發熱作渴此肝本制脾土

也用補中益氣湯及蘆薈丸而愈

龍胆瀉肝湯治肝經濕熱兩拘腫痛或腹中作痛或小便澀滯等症

龍胆草酒拌澤瀉各二

車前子炒

木通

生地黄

當歸酒

山梔炒

黃芩炒

甘草各二

右水煎服

四君子湯

加味道遙散

加味清胃散

加味歸脾湯

方見

五苓散

方見

九味蘆薈丸

方見

補中益氣湯

方見

加味小柴胡湯

方見

六味地黃丸

方見

補中益氣湯

方見

加味小柴胡湯

方見

六味地黃丸

方見

梔子清肝散

柴胡清肝散二方見發熱

四味肥兒丸方見寒吐

四苓散即五苓散去肉桂

渴症

百問云小兒唇紅如丹即發渴紅甚焦黑則危篤若三焦虛煩作渴者用三黃湯湯寒後唇口焦者用白虎湯竹葉湯渴劇作渴者用四苓散之類常治暑積心脾煩渴引飲者用白虎湯下痢脾虛作渴者用七味白朮散熱結膀胱小便秘渴者用五苓散上焦虛熱者用四君子湯膏粱積熱者用清胃散脾胃積熱者用瀉黃散中氣虛熱者用異功散腎水虛熱者用六味丸其餘疳症發熱各詳本症胎稟所致者當各審其因若誤用寒涼降火脾胃復傷則腹脹而為敗症矣

治驗

一小兒發熱作渴用瀉黃散大便重墜口角流涎仍欲瀉火余曰鼻準青白多而黃色少屬脾胃虛寒肝木所侮益口角流涎胃氣不能統攝也大便重墜脾氣不能升上也。不信另用涼劑果眉唇微動四肢微搐余曰此虛極而變慢驚風矣用六君當歸木香枳實釣藤鈎二劑益甚意欲更劑余曰此藥力未及也仍以前藥加附子一片服之即安去附子又二劑而愈

一小兒吐瀉後患渴症飲食少思肌體消瘦用七味白朮散渴漸止五味異功散加升麻飲食漸進又用補中益氣湯肌肉頓生

一小兒嗜膏粱甘味發熱作渴小便白濁用四味肥兒丸佐以瀉黃散稍愈復傷食吐瀉服消食丸胃氣復傷飲食少思肢體倦怠而渴先用七味白朮散而渴止次用五味異功散而痊

一小兒面色目白患渴症唾痰發熱服清熱化痰之藥大便洞瀉小便頻數此脾胃虛而復傷也朝用補中益氣湯夕用四神丸諸症漸愈又佐以六味地黃丸而愈